

Rhaglen Blwch Gwych Dechrau Da. 2017

‘Darllen, Siarad, Rhannu’

Bydd y gynhadledd eleni'n canolbwyntio ar archwilio'r berthynas rhwng darllen a siarad yn y blynyddoedd cynnar. Byddwn ni'n archwilio syniadau ynglŷn â ffyrdd gwahanol o rannu llyfrau ac annog teuluoedd i ddarllen, trafod, a mwynhau llyfrau gyda'i gilydd. Bydd y gynhadledd yn gyfle i rannu syniadau ac arfer dda o bob cwr o Gymru. Bydd sawl un o'r sesiynau'n seiliedig ar lyfrau Blwch Gwych Dechrau Da, y byddwch chi'n cael mynd â setiau ohonyn nhw adre gyda chi, a'n nod yw gweld cynadleddwyr yn gadael gyda digonedd o syniadau newydd – a'r offer i allu'u gweithredu nhw. [Gallwch archebu eich lle ar gyfer Blwch Gwych 2017 drwy gyfrwng Eventbrite nawr.](#)

Beth yw Blwch Gwych?

Mae Blwch Gwych yn cefnogi ymarferwyr Blynyddoedd Cynnar i ysbrydoli plant a theuluoedd o bob cwr o Gymru i fwynhau llyfrau a darllen gyda'i gilydd.

Fel rhan o raglen Dechrau Da, mae Blwch Gwych yn arfogi ymarferwyr â'r sgiliau a'r adnoddau i:

- Hybu darllen ar y cyd yn eu lleoliad
- Annog rhieni a gofawyr i ddarllen a mwynhau llyfrau gyda'u plant
- Defnyddio llyfrau'n greadigol mewn sesiynau blynyddoedd cynnar.



Mae gan raglen Blwch Gwych Dechrau da dair elfen:

Cynadleddau Blwch Gwych – 19 Hydref (Treffynnon) a 26 Hydref (Pen-y-bont ar Ogwr)

Adnoddau Blwch Gwych – 10 copi o bob un o'r pedwar llyfr Dechrau Da ar gyfer 2017-18 ynghyd â chardiau gweithgaredd sy'n cyd-fynd â'r llyfrau

Defnyddio Blwch Gwych yn eich lleoliad a rhoi adborth i BookTrust Cymru


Pwy sy'n gallu cymryd rhan?

Mae Blwch Gwych Dechrau Da yn agored i weithwyr y Blynnyddoedd Cynnar ledled Cymru. Ymysg cynadleddwyr y gorffennol bu gweithwyr Dechrau'n Deg, timau Teuluoedd yn Gyntaf, gofalwyr plant, staff llyfrgelloedd, gweinyddesau meithrin cymunedol, swyddogion cefnogi rhieni, gweithwyr Cymunedau'n Gyntaf ac ystod eang o sefydliadau trydydd sector.


Beth yw'r 'Blwch Gwych'?

Mae'r 'Blwch Gwych' yn cynnwys teitlau Cymraeg a Saesneg a ddetholwyd yn arbennig gan banelau ar gyfer pecynnau Dechrau Da Babi a Dechrau Da Blynnyddoedd Cynnar yn 2017.

Mae 'Blwch Gwych' Dechrau Da Babi yn cynnwys:




All about me! o gyfres Baby Sparkle
gan Dorling Kindersley
10 copi




Mae Llygoden Yn Fach / Mouse is Small
gan Mary Murphy
10 copi

Ynghyd â chardiau gweithgaredd sy'n cynnwys syniadau creadigol am sut i ddefnyddio'r llyfrau hyn gyda theuluoedd mewn sefyllfa grŵp

Mae 'Blwch Gwych' Dechrau Da Blynnyddoedd Cynnar yn cynnwys:



Hooray for Fish
gan Lucy Cousins
10 copi



Dawns yr Anifeiliaid / Doing the Animal Bop
gan Jan Ormerod a Delyth George
10 copi

Ynghyd â chardiau gweithgaredd sy'n cynnwys syniadau creadigol am sut i ddefnyddio'r llyfrau hyn gyda theuluoedd mewn sefyllfa grŵp

Beth yw Dechrau Da?

Mae Dechrau Da, rhaglen a ariennir gan Lywodraeth Cymru, yn golygu fod pob plentyn yng Nghymru'n derbyn bag o lyfrau o ansawdd uchel yn 6 mis oed (pecyn babi) ac eto yn 27 mis oed (pecyn Blynnyddoedd Cynnar).

Darperir y rhaglen mewn partneriaeth ag Ymwelwyr Iechyd a'r Gwasanaethau Llyfrgell.

Mae Blwch Gwych yn lledu negeseuon allweddol rhaglen Dechrau Da ymysg gweithwyr Blynnyddoedd Cynnar eraill er mwyn adeiladu ar seiliau Dechrau Da. Gallwch ddysgu mwy am Ddechrau Da ar bookstart.org.uk/cymru

Sut ydw i'n defnyddio Blwch Gwych Dechrau Da?

Drwy arwain amser stori Blwch Gwych gyda chopïau lluosog o lyfr, gall pob plentyn neu deulu ddilyn y stori a pharhau i gael eu denu gan eich sesiwn. Gallwch chi ddefnyddio syniadau o'r taflenni gweithgaredd arbennig i wella eich sesiynau amser stori gyda gemau a chaneuon hefyd.

Drwy fodelu rhannu llyfrau i rieni a gofalwyr, rydych chi'n rhoi'r hyder iddyn nhw i ddal ati i ddarllen yn y cartref gyda'u plentyn. Bydd cael profiadau cadarnhaol o rannu llyfrau yn eich sesiwn yn annog rhieni i ddarllen y llyfr drosodd a throsodd yn y cartref, gan helpu rhieni i wella'r cwlwm cariad â'u plentyn a hybu anghenion iaith a datblygu'r plentyn.

Gallwch chi ddarllen am fanteision Blwch Gwych Dechrau Da mewn crynodeb o ymchwil a wnaed i ni gan Brifysgol Cymru y Drindod Dewi Sant yn [llawlyfr Blwch Gwych 2016](#).




Beth sy'n digwydd mewn cynhadledd Blwch Gwych?

Carwsél Arfer Dda – Yn y rhan fywiog a deniadol hon o'r dydd, gallwch glywed oddi wrth weithwyr Blynnyddoedd Cynnar a gymerodd ran ym Mluch Gwych 2016 a sut y bu iddyn nhw ddenu teuluoedd gan ddefnyddio Blwch Gwych.

Araith allweddol gan yr Athro Kathy Goouch, Athro Addysg Gynnar yn y Ganolfan Ymchwil i Blant, Teuluoedd a Chymunedau ym Mhrifysgol Christ Church Caer-gaint.

Tell, Talk, Tattle: how talking with and about books can support literacy from birth.

'Yn y cyflwyniad hwn, trafodir grym llyfrau a straeon, yng nghyd-destun siarad. Rhoddir ystyriaeth i'r ffyrdd y gall llyfrau a storïau hudo, addysgu, difyrru, cysuro, ysbrydoli, tawelu, cynnig bydoedd a chynhesrwydd i fabis a phlant bach – gyda manteision cwmni da.'



Mae gan yr Athro Kathy Goouch ddegawdau o brofiad ym myd addysg a bellach mae hi'n mwynhau addysgu, ymchwilio ac ysgrifennu am fabis a phlant bach, eu llythrennedd a'u ffyrdd o ddysgu, ac am y bobl sy'n gofalu amdany'n nhw ac yn eu helpu i ddysgu.

Gweithdai: Gweithdai ymarferol, gweithgareddol ar gyfer rhannu syniadau a dulliau creadigol at ddefnyddio llyfrau mewn sesiynau gyda theuluoedd a phlant. Bydd gweithdai'n ymdrin ag ystod o themâu ac yn y gorffennol maen nhw wedi cynnwys therapyddion lleferydd ac iaith, llyfrgellwyr, arbenigwyr chwarae, sefydliadau cyfrwng Cymraeg ac academyddion.

Faint mae'n ei gostio?

Pris Llogi'n Gynnar: **£36** (£30 ffi +TAW)

Pris llawn: **£48** (£40 ffi +TAW)

Mae'r prisiau'n cynnwys mynediad i un person i'r gynhadledd, lluniaeth ysgafn cinio a'r Blychau gwyh Babi a Blynyddoedd Cynnar ynghyd â'r taflenni gweithgaredd sy'n mynd gyda nhw.

Sut ydw i'n archebu?

Mae lleoedd yn llenwi'n gyflym felly [archebwch yn gynnar drwy gyfrwng Eventbrite er mwyn sicrhau eich lle yn y gynhadledd](#). Gallwch dalu â cherdyn debyd neu gredyd yn uniongyrchol ar Eventbrite.

Byddwn ni'n cysylltu â chi ym mis Medi er mwyn i chi allu dewis eich gweithdai.

Nodwch os gwelwch yn dda mai dim ond hyd at 30 diwrnod cyn y gynhadledd y gallwn roi ad-daliad i fynychwyr. Gallwch gysylltu â ni ar booktrustcymru@booktrust.org.uk neu ffonio 02920 437835 os oes gennych unrhyw ymholiadau.

